

通鑑總類

三十七



通鑑總類卷第十九

夷狄門

漢高帝困白登之圍

七年高帝居晉陽聞冒頓居代谷欲擊之使人覘匈奴冒頓匿其壯士肥牛馬但見老弱及羸畜使者十輩來皆言匈奴可擊高帝復使劉敬往敬還報曰兩國相擊此宜夸矜見所長今臣往徒見羸瘠老弱此必欲見短伏竒兵以爭利害以爲匈奴不可擊也是時漢兵已業行高帝怒罵劉敬曰齊以口舌得官今乃妄言沮吾軍械擊敬廣武高帝先至平城兵未盡到冒頓縱精兵四十萬騎圍高帝於白登七日漢兵中外不得相救餉高帝用陳平祕計使使間厚遺閼氏閼氏

又二十

通鑑總類卷第十九

漢高帝

謂冒頓曰兩主不相困今得漢地而單于終非能居之

解圍之一角會天大霧漢使人往來匈奴不覺陳平請令強弩傳兩矢外鄉從解角直出高帝出圍至平城漢大軍亦到胡騎遂解去高帝至廣武赦劉敬曰吾不用公言以困平城吾皆已斬前使十輩矣乃封敬二千戶爲關內侯號爲建信侯高帝南過曲逆曰壯哉縣吾行天下獨見洛陽與是耳乃更封陳平爲曲逆侯盡食之平從帝征伐凡六出奇計輒益封邑焉

高后不報冒頓嫚書之辱

孝惠三年以宗室女爲公主嫁匈奴冒頓單于是時冒頓方彊爲書使使遺高后金珠裂嫚高后大怒召將相大臣議斬其使

者發兵擊之樊噲曰臣願得十萬衆橫行匈奴中中郎將季布曰噲可斬也前匈奴圍高帝於平城漢兵三十二萬噲爲上將軍不能解圍今歌吟之聲未絕傷夷者甫起而噲欲搖動天下妄言以十萬衆橫行是面謾也且夷狄譬言如禽獸得其善言不足喜惡言不足怒也高后曰善令大謁者張釋報書深自謙遜以謝之并遺以車二乘馬二駟冒頓復使使來謝曰未嘗聞中國禮義陛下幸而赦之因獻馬遂和親

### 中行說教單于不好漢物

前六年冒頓死子稽粥立號曰老上單于老上單于初立文帝復遣宗室女翁主爲單于閼氏使宦者燕人中行說傅翁主說不欲行漢強使之說曰必我也爲漢患者中行說既至

因降單于單于甚親幸之初匈奴好漢繒絮食物中行說曰匈奴人衆不能當漢之一郡然所以強者以衣食異無仰於漢也今單于變俗好漢物漢物不過什二則匈奴盡歸於漢矣其得漢繒絮以馳草棘中衣袴皆裂敝以示不如旃裘之完善也得漢食物皆去之以示不如湏酪之便美也於是說教單于左右疏記以計課其人衆畜牧其遺漢書牘及印封皆令長大倨傲其辭自稱天地所生日月所置匈奴大單于

### 楊雄諫哀帝不許單于來朝

建平四年匈奴單于上書願朝五年哀帝以問公卿亦以爲虛費府帑可且勿許單于使辭去未發黃門郎楊雄上書諫曰臣聞六經之治貴於未亂兵家之勝貴於未戰二者不可

不察也今單于上書求朝國家辭之臣愚以為漢與匈奴從此隙矣匈奴本五帝所不能臣三王所不能制其不可使隙明甚以秦始皇之疆蒙恬之威然不敢窺西河乃築長城以界之會漢初興以高祖之威靈三十萬衆困於平城時哥譎之士不畫之臣甚衆卒其所以脫者世莫得而言也又高皇后時匈奴悖慢大臣權書遺之然後得解及孝文時匈奴侵暴北邊候騎至雍甘泉京師大駭發三將軍屯細柳棘門霸上以備之數月乃罷孝武即位設馬邑之權欲誘匈奴徒費財勞師一虜不可得見況單于之面乎其後深惟社稷之計規恢萬載之策乃大興師數十萬使衛青霍去病操兵前後十餘年於是浮西河絕大幕破寘顏襲王庭窮極其地這件

逐北封狼居胥山禪於姑衍以臨翰海匈奴震怖益求和而然而未肯稱臣也且夫前世豈樂傾無量之費役無罪之人快心於狼望之北哉以為不壹勞者不久佚不暫費者不永寧是以忍百萬之師以摧餓虎之喙運府庫之財填廬山之壑而不悔也至本始之初匈奴有桀心欲掠烏孫侵公王入發五將之師十五萬騎以擊之時鮮有所獲徒奮揚威而明漢兵若雷風耳雖空行空反尚誅兩將軍故北狄不服中國未得高枕安寢也逮至元康神爵之間大化神明鴻恩溥洽而匈奴內亂五單于爭立日逐呼韓邪攜國歸死扶伏稱臣然尚羈縻之計不顯制自此之後欲朝者不距不欲者不疆何者外國天性忿執鳥形容魁健力怙氣難化以

惡其疆難誦其和難得故未服之時勞師遠攻傾國殫財伏尸流血破堅拔敵如彼之難也既服之後慰薦撫循交接賂遺威儀俯仰如此之備也往時嘗屠大宛之城蹈烏桓之壘探姑繒之壁藉蕩姐之場艾朝鮮之旃拔兩越之旗近不過旬月之役遠不離二時之勞固已犁其庭掃其閭郡縣而置之雲徹席卷後無餘災唯北狄爲不然真中國之堅敵也今單于歸義懷款誠之心欲離其庭陳見於前此乃上世之遺策神靈之所想望國家雖費不得已者也柰何距以來厭之辭疎以無日之期消往昔之恩開將來之隙夫疑而隙之使有恨心負前言緣往辭歸怨於漢因以自絕終無北面之心威之不可諭之不能焉得不爲大憂乎夫百年勞之一日失之費十而愛一臣竊爲國不安也唯陛下少留意於未亂未戰以遏邊萌之禍書奏天子寤焉召還匈奴使者更報單于書而許之

匈奴烏孫諸國皆來朝內屬

元壽二年匈奴單于及烏孫大昆彌伊秩靡皆來朝漢以爲榮且時西域凡五十國自譯長至將相侯王皆佩漢印綬凡三百七十六人而康居大月氏安息罽賓烏弋之屬皆以絕遠不在數中其來貢獻則相與報不督錄總領也自黃龍以來單于每入朝其賞賜錦繡繒絮輒加厚於前以慰接之

嚴大陳三策五難

始建國三年主業道中

齊珍寶至雲中塞下招誘匈奴諸子單于歷告左右  
部都尉諸邊王入塞寇盜殺鴈門朔方太守都尉略吏民畜  
產不可勝數緣邊虛耗是時諸將在邊以大衆未集未敢出  
擊匈奴討滅將軍嚴尤諫曰臣聞匈奴爲害所從來久矣未  
聞上世有必征之者也後世三家周秦漢征之然皆未有得  
上策者也周得中策漢得下策秦無策焉當周宣王時獫狁  
內侵至于涇陽命將征之盡境而還其視戎狄之侵譬猶蝨  
蟊毆之而已故天下稱明是爲中策漢武帝選將練兵約齊  
輕糧深入遠戍雖有克獲之功胡輒報之兵連禍結三十餘  
年中國罷耗匈奴亦創艾而天下稱武是爲下策秦始皇不  
忍小恥而輕民力築長城之固延袤萬里轉輸之行起於負

海疆境既完中國內竭以喪社稷是爲無策今天下遭陽九  
之厄北年饑饉西北邊尤甚發三十萬衆具三百日糧東援  
海代南取江淮然後乃備計其道里一年尚未集合兵先至  
者聚居暴露師老械弊執不可用此一難也邊旣空虛不能  
奉軍糧內調郡國不相及屬此二難也計一人三百日食用  
糒十八斛非牛力不能勝牛又當自齋食加二十斛重矣胡  
地沙鹵多乏水草以往事揆之軍出去滿百日牛必物故且  
盡餘糧尚多人不能負此三難也胡地秋冬甚寒春夏甚風  
多齋釜鑊薪炭重不可勝食糒飲水以歷四時師有疾疫之  
憂是故前世代胡不過百日非不欲以執力不能此四難也  
重自隨則輕銳者少不得疾行虜人遁逃執不能

逢虜又累輜重如遇險阻銜尾相隨虜  
此五難也大用民力功不可必立臣伏  
先至者令臣尤等深入靈擊且以創艾胡虜莽不聽尤言轉  
兵穀如故天下騷動

### 陳遵拒單于不肯尊漢

更始二年更始遣中郎將歸德侯颯大司馬護軍陳遵使匈奴授單于漢舊制璽綬因送云當餘親屬貴人從者還匈奴單于輿驕謂遵颯曰匈奴本與漢為只匈奴中亂孝宣皇帝輔立呼韓邪單于故稱臣以尊漢今漢亦大亂為王莽所篡匈奴亦出兵擊莽空其邊境令天下騷動思漢莽卒以敗而漢復興亦我力也當復尊我遵與相穿拒單于終持此言

### 光武不許臧宮馬武擊匈奴

建武二十七年郎陵侯臧宮揚虛侯馬武上書曰匈奴貪利無有禮信窮則稽首安則侵盜虜今人畜疫死旱蝗赤地疲困之力不當中國一郡萬里死命懸在陛下福不再來時或易失豈宜固守文德而墮武事乎今命將臨塞厚縣購賞諭告高句驪烏桓鮮卑攻其左發河西四郡天水隴西羌胡擊其右如此北虜之滅不過數年臣恐陛下仁恩不忍謀臣孤疑令萬世刻石之功不立於聖世詔報曰黃石公記曰柔能制剛弱能制彊舍近謀遠者勞而無功舍遠謀近者逸而有終故曰務廣地者荒務廣德者彊有其者安貪人有者殘滅之政雖成必敗今國無善政災繼不息百姓驚惶人下



自保而復欲遠事邊外乎自是諸將莫敢復言兵事者

班超伏兵擊虜騎

永元二年月氏求尚公主班超拒還其使由是怨恨遣其副王謝將兵七萬攻超超衆少皆大恐超譬軍士曰月氏兵雖多然數千里踰葱嶺來非有運輸何足憂邪但當收穀堅守彼飢窮自降不過數十日決矣謝遂前攻超不下又鈔掠無所得超度其糧將盡必從龜茲求食乃遣兵數百於東界要之謝果遣騎齎金銀珠玉以賂龜茲超伏兵遮擊盡殺之持其使首以示謝謝大驚即遣使請罪願得生歸超縱遣之月氏由是大震歲奉貢獻

晉江統作徙戎論以警言

通鑑綱目卷一九

七

元康九年孟觀大破氐衆於中亭獲齊萬年太子洗馬江統以爲戎狄亂華宜早絕其原乃作徙戎論以警朝廷曰夫夷蠻戎狄地在要荒禹平九土而西戎即叙其性氣貪婪凶悍不仁四夷之中戎狄爲甚弱則畏服疆則侵叛當其疆也以漢之高祖困於白登孝文軍於霸上及其弱也以元成之微而單于入朝此其已然之効也是以有道之君牧夷狄也惟以待之有備禦之有常雖稽顙執贄而邊城不弛固守疆暴爲寇而兵甲不加遠征期令境內獲安疆場不侵而已及至周室失統諸侯專征封疆不固而利害異心戎狄乘間得入中國或招誘安撫以爲已用自是四夷交侵與中國錯居及

也漢建武中馬援領隴西太守討叛羌徙其餘種於關中居馮翊河東空地數歲之後族類蕃息既恃其肥疆且苦漢人侵之永初之元羣羌叛亂覆沒將守屠破城邑鄧騭敗北侵及河內十年之中夷夏俱敝任尚馬賢僅乃克之自此之後餘燼不盡小有際會輒復侵叛中世之寇惟此爲大魏興之初與蜀分隔疆場之戎一彼一此武帝徙武都氏於秦川欲以弱寇疆國扞禦蜀虜此蓋權宜之計非萬世之利也今者當之已受其敝矣夫關中土沃物豐帝王所居未聞戎狄宜在此土也非我族類其心必異而因其衰敝遷之畿服士庶翫習侮其輕弱使其怨恨之氣毒於骨髓至於蕃育衆威則坐生其心以貪悍之性挾憤怒之情候隙乘便輒爲橫逆而

通鑑紀事本末一九

夷狄門八

居封域之內無障塞之隔掩不備之人收散野之積故能爲禍滋蔓暴害不測此必然之勢已驗之事也當今之宜宜及兵威方盛衆事未罷徙馮翊北地新平安定界內諸羌著先零罕开析支之地徙扶風始平京兆之氏出還隴右著陰平武都之界廩其道路之糧令足自致各附本種反其舊土使屬國撫夷就安集之戎晉不雜並得其所縱有猾夏之心風塵之警則絕遠中國隔關山河雖爲寇暴所害不廣矣朝廷不能用

匈奴號劉淵爲大單于

永興元年初大弟頴妻匈奴左賢王劉淵爲冠軍將軍監五部軍事使將兵在鄴淵子聰驍勇絕人博涉經史善屬文

弓三百斤冠冠游京師名士莫不與交穎以聰爲積弩將軍淵從祖右馭兵王宣謂其族人曰自漢亡以來我單于徒有虛號無復尺土自餘王侯降同編戶今吾衆雖衰猶不減二萬柰何歛手受役奄過百年左賢王英武超世天苟不欲興匈奴必不虛生此人也今司馬氏骨肉相殘四海鼎沸復呼韓邪之業此其時矣乃相與謀推淵爲大單于使其黨呼延攸詣鄴告之淵白穎請歸會葬穎弗許及王浚東羸公騰起兵淵說穎曰今二鎮跋扈衆十餘萬恐非宿衛及近郡士衆所能禦也請爲殿下還說五部以赴國難二豎之首可指日而懸也穎悅拜淵爲北單于參丞相軍事淵至左國城劉宣等上大單于之號二旬之間有衆五萬都於離石以聰爲鹿蠡王

通鑑紀事本末卷一九

夷狄門九

### 唐公結突厥以益兵勢

隋義寧元年劉文静勸李淵與突厥相結資其士馬以益兵勢淵從之自爲手啓卑辭厚禮遺始畢可汗云欲大舉義兵遠迎主上復與突厥和親如開皇之時若能與我俱南願勿侵暴百姓若但和親坐受寶貨亦唯可汗所擇始畢得啓謂其大臣曰隋主爲人我所知也若迎以來必害唐公而擊我無疑矣苟唐公自爲天子我當不避盛暑以兵馬助之即命以此意爲復書使者七日而返將佐皆喜請從突厥之言淵不可裴寂劉文静等皆曰今義兵雖集而戎馬殊乏胡兵非所須而唐不可失若復稽回恐其有悔淵曰諸君宜更思之

次寂等乃請尊天子為太上皇之代王為帝以安隋室穆  
郡縣改易旗幟雜用絳曰以示突厥淵曰此可謂掩耳盜鍾  
然逼於時事不得不爾乃許之遣使以此議告突厥

### 唐高祖每優容突厥

武德元年突厥始畢可汗遣骨咄祿特勒來宴之於太極殿  
奏九部樂時中國人避亂者多入突厥突厥疆盛東自契丹  
室韋西盡吐谷渾高昌諸國皆臣之控弦百餘萬高祖以初  
起資其兵馬前後餉遺不可勝紀突厥恃功驕倨每遣使者  
至長安多暴橫高祖優容之

### 太宗不肯棄間擊突厥

貞觀元年鴻臚卿鄭元璫使突厥還言於太宗曰戎狄興衰  
專以羊馬為候今突厥民飢畜瘦此將亡之兆也不過三年  
太宗然之羣臣多勸上乘間擊突厥太宗曰新與人盟而背  
之不信利人之災不仁乘人之危以取勝不武縱使其種落  
盡叛六畜無餘朕終不擊必待有罪然後討之

### 太宗不肯勞民修堡鄣

二年突厥寇邊朝臣或請修古長城發民乘堡鄣太宗曰突  
厥災異相仍頡利不懼而修德暴虐滋甚骨肉相攻亡在朝  
夕朕方為公掃清沙漠安用勞民遠修鄣塞乎

### 張公謹言突厥可取之狀

三年代州都督張公謹上言突厥可取之狀以為頡利縱欲  
誅忠良曠姦佞一也薛延陀等諸部皆叛二也突利

欲谷設皆得罪無所自容三也塞北霜早糗糧乏絕四也  
頡利踈其族類親委諸胡胡人反覆大軍一臨必生內變五  
也華人入北其衆甚多比聞所在嘯聚保據山險大軍出塞  
自然響應六也太宗以頡利可汗既請和親復援梁師都命  
兵部尚書李靖為行軍總管討之以張公謹為副

太宗自謂得禦戎上策

以李世勣為通漢道行軍總管李靖為定襄道行軍總管柴  
紹為金河道行軍總管薛萬徹為暢武道行軍總管衆合十  
餘萬皆受李靖節度分道出擊突厥任城王道宗擊突厥於  
靈州破之突利可汗入朝太宗謂侍臣曰往者太上皇以百  
姓之故稱臣於突厥朕常痛心今單于稽顙庶幾可雪前恥

靺鞨遣使入貢太宗曰靺鞨遠來蓋突厥已服之故也昔人  
謂禦戎無上策朕今治安中國而四夷自服豈非上策乎

四夷君長請太宗為天可汗

四年四夷君長詣闕請太宗為天可汗太宗曰我為大唐天  
子又下行可汗事乎群臣及四夷皆稱萬歲是後以璽書賜  
西北君長皆稱天可汗

太宗數頡利五罪

突厥頡利可汗至長安太宗御以天樓盛陳文物引見頡利  
數之曰汝藉父兄之業縱淫虐以取亡罪一也數與我盟而  
背之二也恃彊好戰暴骨如莽一一蹂我稼穡掠我子女四  
一不一五也一自渡橋一

復大入爲寇以是得不死耳頡利哭謝而退詔館於太僕廩食之上皇聞擒頡利歎曰漢高祖困白登不能報今我子能滅突厥吾託付得人復何憂哉

### 太宗詔群臣議處突厥部落

突厥旣亡其部落或北附薛延陀或西奔西域其降唐者尚十萬口詔群臣議區處之宜朝士多言北狄自古爲中國患今幸而破亡宜悉徙之河南充豫之間分其種落散居州縣教之耕織可以化胡虜爲農民永空塞北之地中書侍郎顏師古請皆寘之河北分立酋長領其部落則永永無患矣禮部侍郎李百藥以爲突厥雖云一國然其種類區分各有酋帥今宜因其離散各即本部署爲君長不相臣屬國分則弱

而易制勢敵則難相吞滅各自保全必不能抗衡中國仍請於定襄置都護府爲其節度此安邊之長策也夏州都督竇靜以爲置之中國有損無益莫若因其破亡之餘假之王侯之號妻以宗室之女分其土地析其部落使其權弱勢分易爲羈制可使常爲藩臣永保邊塞溫彥博請準漢建武故事置降匈奴於塞下全其部落順其土俗以實空虚之地使爲中國扞蔽策之善者也魏徵以爲突厥世爲寇盜百姓之讎也今幸而破亡陛下以其降附不忍盡殺宜縱之使還故土不可留之中國夫戎狄人面獸心弱則請服彊則叛亂固其常性今降者衆近十萬數年之後蕃息倍多必爲腹心之疾不可悔也晉初諸胡與民雜居中國郭欽江統皆勸武帝

出塞外以絕亂階武帝不從後二十餘年伊洛之間遂爲漚  
素之域此前事之明鑑也彥博曰王者之於萬物天覆地載  
靡有所遺今突厥窮來歸我柰何弃之而不受乎孔子曰有  
教無類若救其死亡授以生業教之禮義數年之後悉爲吾  
民選其會長使入宿衛畏威懷德何後患之有太宗卒用彥  
博策處突厥降衆東自幽州西至靈州分突利故所統之地  
置四州都督府又分頡利之地爲六州左置定襄都督府右  
置雲中都督府以統其衆其餘會長至者皆拜將軍中郎將  
布列朝廷五品已上百餘人殆與朝士相半因而入居長安  
者近萬家

### 太宗遣突厥還舊部

四百六十六

通鑑總類卷十九

夷狄門十三

十三年自結社率之反言事者多云突厥留河南不便詔突  
厥及胡在諸州 一者並令度河還其舊部俾世作藩屏長  
保邊塞太宗謂侍臣曰中國根幹也四夷枝葉也割根幹以  
奉枝葉木安得滋榮朕不用魏徵言幾致狼狽

### 褚遂良勸太宗立高昌國

十六年初高昌既平歲發兵千餘人戍守其地褚遂良上疏  
以爲聖王爲治先華夏而後夷狄陛下興兵取高昌數郡蕭  
然累年不復歲調千餘人屯戍遠去鄉里破產辦裝又謫徙  
罪人皆無賴子弟適足騷擾邊鄙豈能有益行陳所遣多復  
徒煩追捕加以道塗所經沙磧千里冬風如割夏風如  
焚人往來遇之必死設使張掖酒泉有烽燧之警陛下

得高昌一夫斗粟之用終當發龍右諸州兵食以赴之耳然則河西者中國之心腹高昌者它人之手足柰何糜弊本根以事無用之士乎且陛下得突厥吐谷渾皆不有其地爲之立君長以撫之高昌獨不得與爲比乎叛而執之服而封之刑莫威焉德莫厚焉願更擇高昌子弟可立者使君其國子子孫孫負荷大恩永爲唐室藩輔內安外寧不亦善乎太宗弗聽及西突厥入寇太宗悔之曰魏徵褚遂良勸我復立高昌吾不用其言令方自咎耳

### 中宗今內外官進平突厥之策

景龍元年制以突厥默啜寇邊命內外官各進平突厥之策右補闕盧備上疏以爲郤縠悅禮樂敢詩書爲晉元帥杜預

射不穿札建平具之勲是知中權制謀不取一夫之勇如沙吒忠義驍將之材本不足以當大任又鳴沙之役主將先選宜正邦憲賞罰旣明敵無不服又邊州刺史宜精擇其人使之蒐卒乘積資糧來則禦之去則備之去歲四方旱災未易興師當理內以及外綏近以來遠俟倉廩實士卒練然後大舉以討之中宗善之

### 吐蕃求毛詩春秋禮記

開元十九年遣鴻臚卿崔琳使于吐蕃吐蕃使者稱公主求毛詩春秋禮記正字于休烈上疏以爲東平王漢之懿親求史記諸子漢猶不與況吐蕃國之寇讎今資之以書使知用兵權略愈生變詐非中國之利也事下中書門下議之裴光



庭等奏吐蕃聾昧頑。久叛新服因其有請賜以詩書庶使  
之漸陶聲教化流無外休烈徒知書有權略變詐之語不知  
忠信禮義皆從書出也明皇曰善遂與之

### 韓偓諫回鶻發兵赴難

天復二年回鶻遣使入貢請發兵赴難昭宗命翰林學士承  
旨韓偓答書許之偓上言戎狄獸心不可倚信彼見國家人  
物華糜而城邑荒殘甲兵彫弊必有輕中國之心啓其貪婪  
且自會昌以來回鶻為國家所破恐其乘危復怨所賜可汗  
書宜諭以小小寇竊不須赴難虛愧其意實沮其謀從之

### 燕韓延徽教契丹威服諸國

後梁貞明二年初燕人苦劉守光殘虐軍士多云歸契丹契

丹日益彊大契丹王阿保機自稱皇帝國人謂之天皇王以  
妻述律氏為皇后述律后勇決多權變阿保機行兵御衆述  
律后常預其謀晉王方經營河北欲結契丹為援常以叔父  
事阿保機以叔母事述律后劉守光末年衰困遣參軍韓延  
徽求援於契丹契丹王怒其不拜留之使牧馬於野延徽有  
智略頗知屬文述律后言於契丹王曰延徽能守節不屈此  
今之賢者奈何辱以牧圉宜禮而用之契丹王召延徽與語  
悅之遂以為謀主與動訪焉延徽始教契丹建牙開府築城  
郭立市里以處漢人使各有配偶墾藝荒田由是漢人各安  
生業逃亡者益少契丹威服諸國延徽有助焉頃之延徽逃  
晉陽晉王欲置之幕府掌書記王繼疾之延徽復請

契丹主待之益厚以延徽爲相累遷至  
契丹延徽寓書於晉工敘所以北去之意且曰非不戀英主  
非不思故鄉所以不密正懼王緘之讒耳因以老母爲託且  
曰延徽在此契丹必不南牧故終同光之世契丹不深入爲  
寇延徽之力也

後唐楊檀乞勿許煎刺等歸國

長興三年初契丹舍利煎刺與楊隱皆爲趙德鈞所擒契丹  
屢遣使請之明宗謀於群臣德鈞等皆曰契丹所以數年不  
犯邊數求和者以此輩在南故也縱之則邊患復生明宗以  
問冀州刺史坦 坦對曰煎刺契丹之驍將鄉助王都謀危社  
稷幸而擒之陛下免其死爲賜已多契丹失之如喪手足彼  
在朝廷數年知中國虛實若得歸爲患必深彼纔出塞則南  
向發矢矣恐悔之無及明宗乃止

後晉石敬瑭以父禮事契丹

天福元年石敬瑭遣間使求救於契丹令桑維翰草表稱臣  
於契丹主且請以父禮事之約事捷之日割盧龍一道及鴈  
門關以北諸州與之劉知遠諫曰稱臣可矣以父事之太過  
厚以金帛賂之自足致其兵不必許以土田恐異日大爲中  
國之患悔之無及敬瑭不從表至契丹契丹主大喜曰其母  
曰兒比夢石郎遣使來今果然此天意也乃爲復書許俟仲  
秋傾國赴援

契丹大敗唐兵

契丹王將五萬騎號二十萬自揚武谷而南旌旗不絕  
以軍至晉陽陳於汾北之虎北口先遣人謂敬瑭曰吾欲今  
日即破賊可乎敬瑭遣人馳告曰南軍甚厚不可輕請俟明  
日議戰未晚也使至契丹已與唐騎將高行周符彥卿  
合戰敬瑭乃遣劉知遠出兵助之唐兵大敗是夕敬瑭出北  
門見契丹王契丹王執敬瑭手恨相見之晚敬瑭問曰皇帝  
遠來士馬疲倦遽與唐戰而大勝何也契丹王曰始吾自北  
來謂唐必斷鴈門諸路伏兵險要則吾不可得進矣使人偵  
視皆無之吾是以長驅深入知大事必濟也兵既相接我氣  
方銳彼氣方沮若不乘此急擊之曠日持久則勝負未可知  
矣此吾所以亟戰而勝不可以勞逸常理論也敬瑭甚歎伏

通鑑總類卷十九

夷狄門十七

### 契丹立石敬瑭為晉帝

契丹王謂石敬瑭曰吾三千里來赴難必有成功觀汝氣貌  
識量真中原之主也吾欲立汝為天子敬瑭辭讓數四將吏  
復勸進乃許之契丹王作冊書命敬瑭為大晉皇帝自解衣  
冠授之築壇於柳林是日即皇帝位割幽薊瀛莫涿檀順新  
媯儒武雲應寰朔蔚十六州以與契丹仍許歲輸帛三十萬  
匹

### 契丹擇高祖兄子守河東

高祖與契丹王將引兵而南欲留一子守河東咨於契丹王  
契丹王令高祖盡出諸子自擇之高祖兄子重貴父敬儒早  
亡高祖養以為子類帝而短小契丹王指之曰此大日者

可也乃以重貴為北京留守太原尹河東節度使

### 契丹述律后責趙德鈞乘亂邀利

唐趙德鈞趙延壽南奔潞州高祖與契丹主至潞州德鈞父子迎謁於高河契丹主遂鑠德鈞延壽送歸其國德鈞見述律太后悉以所齎寶貨并籍其田宅獻之太后問曰汝近者何為往太原德鈞曰奉唐主之命太后指天曰汝從吾兒求為天子何妄語邪汝欲為天子何不先擊退吾兒徐圖亦未晚汝為人臣既負其主不能擊敵又欲乘亂邀利所為如此何面目復求生乎德鈞俛首不能對又問器玩在此田宅何在德鈞曰在幽州太后曰幽州今屬誰德鈞曰屬太后太后曰然則又何獻焉德鈞益慙自是鬱鬱不多食踰年而卒

### 吳巒不肯臣於契丹

二年契丹主自上黨歸過雲州大同節度使沙彥珣出迎契丹主留之不使還鎮節度判官吳巒在城中謂其衆曰吾屬禮義之俗安可臣於夷狄乎衆推巒領州事閉城不受契丹之命契丹攻之不克

### 吳徐誥欲結契丹以取中國

吳徐誥用宋齊丘策欲結契丹以取中國遣使以美女珍玩泛海修好契丹主亦遣使報之

### 契丹倣中國置公卿庶官

是歲契丹改元會同國號大 公卿庶官皆倣中國參用中國人以趙延壽為樞密使尋兼政事

高祖臣事契丹甚謹

三年以馮道爲契丹太后冊禮使左僕射劉昫爲契丹主冊禮使備鹵簿儀仗車輅詣契丹行禮契丹主大悅高祖事契丹甚謹奉表稱臣謂契丹主爲父皇帝每契丹使至高祖於別殿拜受詔敕歲輸金帛三十萬之外吉凶慶弔歲時贈遺玩好珍異相繼於道乃至應天太后元帥太子偉王南北二王韓延徽趙延壽等諸大臣皆有賂遺小不如意輒來責讓高祖常卑辭謝之晉使者至契丹契丹驕倨多不遜語使者還以聞朝野咸以爲恥而高祖事之曾無倦意以是終帝之世與契丹無隙

契丹欲使王威襲父土地

四ノノ十六

通鑑總類卷十九

夷狄門十九

世

四年初義武節度使王處直子威避王都之難亡在契丹至是義武缺帥契丹主遣使來言請使威襲父土地如我朝之法高祖辭以中國之法必自刺史團練防禦序遷乃至節度使請遣威至此漸加進用契丹主怒復遣使來言曰爾自節度使使爲天子亦有階級邪高祖恐其滋蔓不已厚賂契丹且請以處直兄孫延胤爲義武節度使以厭其意契丹怒稍解高祖喜安彥威屈節奉契丹

五年北都留守同平章事安彥威入朝高祖曰吾所重者信與義昔契丹以義救我我今以信報之聞其徵求不已公能屈節奉之深稱朕意對曰陛下以蒼生之故猶卑辭厚幣以事之臣何屈節之有高祖悅

桑維翰請養兵息民觀衅而動

六年成德節度使安重榮取臣契丹見契丹使者必箕踞慢罵使過其境或潛遣人殺之契丹以讓高祖高祖爲之遜謝重榮上表數千言大抵斥高祖父事契丹竭中國以媚無厭之虜又以此意爲書遺朝貴及移藩鎮云已勒兵必與契丹決戰高祖以重榮方握彊兵不能制甚患之秦寧節度使桑維翰知重榮已蓄姦謀又慮朝廷重違其意密上疏曰陛下免於晉陽之難而有天下皆契丹之功也不可負之今重榮恃勇輕敵吐渾假手報仇皆非國家之利不可聽也契丹與國家恩義非輕信誓甚著彼無閒隙而自啓豐端就使克之後患愈重萬一不克大事去矣議者以歲輸繒帛謂之養蠹

有所卑遜謂之屈辱殊不知兵連而不休禍結而不解財力將匱耗蠹孰甚焉用兵則武吏功臣過求姑息邊藩遠郡得以驕矜下陵上替屈辱孰大焉臣願陛下訓農習戰養兵息民俟國無內憂民有餘力然後觀豐而動則動必有成矣又鄴都富盛國家藩屏今主帥赴闕軍府無人臣竊思慢藏誨盜之言勇夫重閉之義乞陛下略加巡幸以杜姦謀高祖謂使者曰朕比日以來煩懣不決今見卿奏如醉醒矣卿勿以爲憂

溱安重榮首送契丹

七年鎮州牙將自西郭水環門導官軍入城殺守陴民二萬人執安重榮斬之杜重威殺守者自以爲功重榮首至鄴都

高祖命漆之函送契丹

景延廣不肯稱臣於契丹

齊王之初即位也大臣議奉表稱臣告哀於契丹景延廣請致書稱孫而不稱臣李崧曰屈身以爲社稷何恥之有陛下如此它日必躬擐甲冑與契丹戰於時悔無益矣延廣固爭馮道依違其間齊王卒從延廣議契丹大怒遣使來責讓且言何得不先承稟遽即帝位延廣復以不遜語答之契丹盧龍節度使趙延壽欲代晉帝中國屢說契丹擊晉契丹主頗然之

景延廣以大言致契丹入寇

八年初河陽牙將喬榮從趙延壽入契丹契丹以爲回圖使

四九五

通鑑總類卷十九

夷狄門二十一

可

景延廣說齊王囚榮於獄悉取邸中之貨凡契丹之人販易在晉境者皆殺之奪其貨大臣皆言契丹有大功於晉不可負遂釋榮慰賜而歸之榮辭延廣延廣大言曰歸語而王先帝爲北朝所立故稱臣奉表今上乃中國所立所以降志於北朝者正以不敢忘先帝盟約故耳爲鄰稱孫足矣無稱臣之理北朝皇帝勿信趙延壽誑誘輕侮中國中國士馬爾所目睹翁怒則來戰孫有十萬橫磨劍足以相待它日爲孫所敗取笑天下毋悔也榮乃曰公所言頗多懼有遺忘願記之紙墨延廣命吏書其語以授之榮具以白契丹主契丹主大怒入寇之志始決桑維翰屢請遜辭以謝契丹每爲延廣所沮齊王以延廣爲有定策功故寵冠群臣又總宿衛兵故大臣

莫能與之爭河東節度使劉知遠知延廣必啟寇而畏其方用事不敢言但益募兵奏置興捷武節等十餘軍以備契丹楊光遠密告契丹令取中國

初高祖以馬三百借平盧節度使楊光遠景延廣以詔命取之光遠怒密告契丹以晉王負德違盟境內大饑公私困竭乘北除攻之一舉可取趙延壽亦勸之契丹主乃集山後及盧龍兵合五萬人使延壽將之委延壽經略中國曰若得之當立汝爲帝又常指延壽謂晉人曰此汝主也延壽信之由是爲契丹盡力畫以中國之策朝廷頗聞其謀遣使城南樂及德清軍徵近道兵以備之

### 李守貞大敗契丹於馬家口

開運元年李守貞等至馬家口契丹遣步卒萬人築壘散騎兵於其外餘兵數萬屯河西船數十艘度兵未已晉兵薄之契丹騎兵退走晉兵進攻其壘拔之契丹大敗乘馬赴河溺死者數千人俘斬亦數千人河西之兵慟哭而去由是不敢復東

### 李彝殷侵契丹之境

定難節度使李彝殷奏將兵四萬自麟州濟河侵契丹之境以彝殷爲契丹西南面招討使初契丹主得貝州博州皆撫慰其人或拜官賜服章及敗於戚城及馬家口忿恚所得民皆殺之得軍士燔炙之由是晉人憤怒戮力爭奮

### 契丹主畏晉軍之盛



契丹僞奔元城去伏精騎於古頓丘城以俟晉軍鄴都留守張從恩屢奏虜已遁去大軍欲進追之會霖雨而止契丹設伏旬日人馬飢疲趙延壽曰晉軍悉在河上畏我鋒銳必不敢前不如即其城下四合攻之奪其浮梁則天下定矣契丹主從之自將兵十餘萬陳於澶州城北東西橫掩城之兩隅登城望之不見其際高行周前軍在戚城之南與契丹戰自午至晡互有勝負契丹主以精兵當中軍而來齊王亦出陳以待之契丹主望見晉軍之盛謂左右曰楊光遠言晉兵半已餒死今何其多也以精騎左右略陳晉軍不動萬弩齊發飛矢蔽地契丹稍却又攻晉陳之東偏不克苦戰至暮兩軍死者不可勝數昏後契丹引去營於三十里之外

### 契丹主括借士民錢帛歸國

天福十二年契丹主廣受四方貢獻大縱酒作樂縱胡騎四出以牧馬爲名分番剽掠謂之打草穀丁壯斃於鋒刃老弱委於溝壑自東西兩畿及鄭滑曹濮數百里間財畜殆盡契丹主謂判三司劉昫曰契丹兵三十萬旣平晉國應有優賜速宜營辦時府庫空竭昫不知所出請括借都城士民錢帛自將相以下皆不免又分遣使者數十人詣諸州括借皆迫以嚴誅人不聊生其實無所頒給皆蓄之內庫欲輦歸其國於是內外怨憤始患苦契丹皆思逐之矣

### 晉百官推戴契丹主爲皇帝

契丹主召晉百官悉集於庭問曰吾國廣大方數萬里有君

長二十七人今中國之俗異於吾國吾欲擇一人君之如何  
皆曰天無二日夷夏之心皆願推戴皇帝如是者再契丹主  
乃曰汝曹既欲君我今茲所行何事爲先對曰王者初有天  
下應大赦契丹主服通天冠絳紗袍登正殿設樂懸儀衛於  
庭百官朝賀華人皆法服胡人仍胡服立於文武班中間下  
制稱大遼會同十年大赦

### 契丹主欲以晉百官自隨

契丹主復召晉百官諭之曰天時向暑吾難久留欲暫至上  
國省太后當留親信一人於此爲節度使契丹主欲盡以晉  
之百官自隨或曰舉國北遷恐搖人心不如稍稍遷之乃詔  
有職事者從行餘留大梁

### 契丹主盡載府庫之實以歸國

契丹主發大梁晉文武諸司從者數千人諸軍吏卒又數千  
人宮女宦官數百人盡載府庫之實以行所留樂器儀仗而  
已夕宿赤岡契丹主見村落皆空命有司發榜數百通所在  
招撫百姓然竟不禁胡騎剽掠契丹自白馬度河謂宣徽使  
高勳曰吾在上國以射獵爲樂至此令人悒悒今得歸死無  
恨矣

### 契丹克相州驅婦女而北

契丹主將攻相州梁暉請降契丹主赦之許以爲防禦使暉  
疑其詐復乘城拒守契丹主命蕃漢諸軍急攻相州食時克  
之悉殺城中男子驅其婦女而北胡人擲嬰孩於空中舉刃

接之以爲樂留高唐英守相州唐英閱城中遺民男女得七百餘人其後節度使王繼弘斂城中髑髏瘞之凡得十餘萬或告磁州刺史李穀謀舉州應漢契丹主執而詰之凡六詰穀辭氣不屈乃釋之

### 武行德據河陽叛契丹

契丹主以船數十艘載晉鎧仗將自汴泝河歸其國命寧國都虞候武行德將士卒千餘人部送之至河陰行德與將士謀曰今爲虜所制將遠去鄉里人生會有死安能爲異域之鬼乎虜勢不能久留中國不若共逐其黨堅守河陽以俟天命之所歸者而臣之豈非長策乎衆以爲然行德即以鎧仗授之相與殺契丹監軍使會契丹河陽節度使崔廷勳以兵

送耿崇美之潞州行德遂乘虛入據河陽衆推行德爲河陽都部署契丹主聞河陽亂歎曰我有三失空天下之叛我也諸道括錢一失也令上國人打草穀二失也不早遣諸節度使還鎮三失也

### 元欲殺趙延壽即帝位

契丹主至臨城得疾及樂城病甚苦熱聚冰於曾腹手足且啖之至殺胡林而卒國人剖其腹實鹽數斗載之北去晉人謂之帝羝趙延壽恨契丹主負約謂人曰我不復入龍沙矣即日先引兵入恒州時契丹諸將已密議奉元欲爲主延壽不之知自稱受契丹皇帝遺詔惟知南朝軍國事永康王元欲召延壽於所館飲酒稱其謀反鎖之後數日集茶漢之

於府署宣契丹主遺制於中京即皇帝位於是始舉哀成服既而易吉服見群臣不復行喪歌吹之聲不絕於內

### 契丹主幽述律治於阿保機墓

契丹述律太后聞契丹主自立大怒發兵拒之契丹主以偉王爲前鋒相遇於石橋太后兵由是大敗契丹主幽太后於阿保機墓改元天祿自稱天授皇帝以高勲爲樞密使契丹主慕中華風俗多用晉臣而荒于酒色輕慢諸酋長由是國人不附諸部數叛興兵誅討故數年之中不暇南寇

### 北漢主求援北朝

後周廣順元年北漢主立契丹主使潘聿撚遺劉承鈞書北漢主使承鈞復書稱本朝公亡紹襲帝位欲循晉室故事求

四

通鑑總類卷十九

夷狄門二十六

可

援北朝契丹主大喜北漢主發兵屯陰地黃澤圍栢以承鈞爲招討使與副招討使白公暉都監李存瓌將步騎萬人寇晉州

### 北漢主以厚賂謝契丹

契丹主遣使如北漢告以田使田敏來約歲輸錢十萬緡北漢主使鄭珙以厚賂謝契丹自稱姪皇帝致書於叔天授皇帝請行冊禮

### 契丹冊命劉承鈞爲帝

顯德元年北漢主疾病命其子承鈞監國尋殂遣使告哀于契丹契丹遣驃騎大將軍劉承訓冊命承鈞爲帝更名鈞北漢孝和帝性孝謹既嗣位勤於爲政愛民禮士境內粗

上表於契丹主稱男契丹主賜之詔謂之兒皇帝

唐執失思力諫太宗畋獵

貞觀五年太宗遂免於後苑左領軍將軍執失思力諫曰天命陛下為華夷父母柰何自輕太宗又將逐鹿思力脫巾解帶跪而固諫太宗為之止

契苾何力固辭薛萬均官

九年太宗遣使勞諸將於大斗拔谷薛萬均排毀契苾何力自稱已功何力不勝忿拔刀起欲殺萬均諸將救止之太宗聞之以讓何力何力具言其狀太宗怒欲解萬均官以授何力何力固辭曰陛下以臣之故解萬均官群胡無知以陛下為重胡輕漢轉相誣告馳競必多且使胡人謂諸將皆如萬均將有輕漢之心太宗善之而止尋今宿衛北門檢校屯營事

通鑑總類卷十九

蕃將門七八

契苾何力不肯叛唐歸虜

十六年太宗謂侍臣曰薛延陀屈強漠北今御之止有二策苟非發兵殄滅之則與之婚姻以撫之耳二者何從房玄齡對曰中國新定兵凶戰危臣以為和親便太宗曰然朕為民父母苟可利之何愛一女先是左領軍將軍契苾何力母姑臧夫人及弟賀蘭州都督沙門皆在涼州太宗遣何力歸覲且撫其部落時薛延陀方彊契苾部落皆欲歸之何力大驚曰主上厚恩如是柰何遽為叛逆其徒曰夫人都督先已詣

徒執之詣薛延陀置真珠牙帳前何力箕踞拔佩刀東向大呼曰豈有唐烈士而受屈虜庭天地日月願知我心因割左耳以自誓真珠欲殺之其妻諫而止太宗聞契苾叛曰必非何力之意左右曰戎狄氣類相親何力入薛延陀猶魚趨水耳太宗曰不然何力心如鐵石必不叛我會使自薛延陀來具言其狀太宗爲之下泣謂左右曰何力果如何即命兵部侍郎崔敦禮持節薛延陀以新興公主妻之以求何力何力由是得還拜右驍衛大將軍

藩鎮門

唐令狐彰舉劉晏等代已

大曆八年永平節度使令狐彰薨彰承滑亳離亂之後治軍勸農府廩充實時藩鎮率皆跋扈獨彰真賦未嘗闕歲遣兵三千詣京西防秋自齎糧食道路供餽皆不受所過秋豪不犯疾亟召掌書記高陽齊映與謀後事映勸彰請代人遣子歸私第彰從之遺表稱昔魚朝恩破史朝義欲掠滑州臣不聽由是有隙及朝恩誅值臣寢疾以是未得入朝生死愧負臣今必不起倉庫畜牧先已封籍軍中將士州縣官吏按堵待命伏見吏部尚書劉晏工部尚書李勉可委大事願速以代臣臣男建等今勤歸東都私第彰薨將士欲立建建誓死

三〇六十二

通鑑總類卷十九

藩鎮門三十

廿

不從舉家西歸

田承嗣爲安史父子立祠堂

魏博節度使田承嗣爲安史父子立祠堂謂之四聖且求爲相代宗令內侍孫知古因奉使諷令毀之加承嗣同平章事以褒之

馬璘諷將士表求平章事

九年涇原節度使馬璘入朝諷將士爲已表求平章事代宗以璘爲左僕射

郭子儀奏除屬吏不報

十年子儀嘗奏除州縣官一人不報僚佐相謂曰以令公勲德奏一屬吏而不從何宰相之不知體子儀聞之謂僚佐曰



自兵興以來方鎮武臣多跋扈凡有所求朝廷常委曲從之此無它乃疑之也今子儀所奏事人主以其不可行而置之是不以武臣相待而親厚之也諸君可賀矣又何怪焉聞者皆服

### 李正己與田承嗣等根據蟠結

十二年平盧節度使李正己先有淄青齊海登萊沂密德棣十州之地及李靈曜之亂諸道合兵攻之所得之地各爲己有正己又得曹濮徐兗鄆五州因自青州徙治鄆州使其子前淄州刺史納守青州正己用刑嚴峻所在不敢偶語然法令齊一賦均而輕擁兵十萬雄據東方鄰藩皆畏之是時田承嗣據魏博相衛洛貝澶七州李寶臣據恒易趙定深冀滄七州各擁衆五萬梁崇義據襄鄧均房復郢六州有衆二萬相與根據蟠結雖奉事朝廷而不用其法令官爵甲兵租賦刑殺皆自專之代宗寬仁一聽其所爲朝廷或完一城增一兵輒有怨言以爲猜貳常爲之罷役而自於境內築壘繕兵無虛日以是雖在中國名藩臣而實如蠻貊異域焉

### 田悅激怒軍士怨朝廷

建中元年命黜陟使十一人分巡天下先是魏博節度使田悅事朝廷猶恭順河北黜陟使洪經綸不曉時務聞悅軍七萬人符下罷其四萬令還農悅陽順命如符罷之旣而集應罷者激怒之曰汝曹久在軍中有父母妻子今一旦爲黜陟使所罷將何資以自衣食乎衆大哭悅乃出家財以賜之使

各還部伍於是軍士皆德悅而怨朝廷

### 朱滔等四國俱稱王

三年田悅德朱滔之救與王武俊議悉滔為主稱臣事之滔不可曰恆山之捷皆大夫二兄之力滔何敢獨居尊位於是幽州判官李子千恆冀判官鄭濡等共議請與鄆州李大夫爲四國俱稱王而不改年號如昔諸侯奉周家正朔築壇同盟有不如約者衆共伐之不然豈得常爲叛臣茫然無主用兵旣無名有功無官爵爲賞使將吏何所依歸乎滔等皆以爲然滔乃自稱冀王田悅稱魏王王武俊稱趙王仍請李納稱齊王是日滔等築壇於軍中告天而受之滔爲盟主稱孤武俊悅納稱寡人所居堂曰殿處分曰令群下上書曰牋妻通鑑總類卷十九

日三十一

蕃鎮門三十二

曰妃長子曰世子各以其所治州爲府置留守兼元帥以軍政委之又置東西曹視門下中書省左右內史視侍中中書令餘官皆倣天朝而易其名

### 李希烈自稱天下都元帥

李希烈自稱天下都元帥太尉建興王時朱滔等與官軍相拒累月官軍有度支饋糧諸道益兵而滔與王武俊孤軍深入專仰給於田悅客主日益困弊聞李希烈軍勢甚盛頗怨望乃相與謀遣使詣許州勸希烈稱帝希烈由是自稱天下都元帥

### 李抱真與王武俊陰相結

四年李抱真使參謀賈林詣王武俊壁詐降武俊見之林曰

林來奉詔非降也武俊也動問其故林曰天子知大夫宿者誠效及登壇之日撫膺顧左右曰我本徇忠義天子不察諸將亦嘗共表大夫之志天子語使者曰朕前事誠誤悔之無及朋友失意尚可謝況朕為四海之主乎武俊曰僕胡人也為將尚知愛百姓況天子豈專以殺人為事乎今山東連兵暴骨如莽就使克捷與誰守之僕不憚歸國但已與諸鎮結盟胡人性直不欲使曲在已天子誠能下詔赦諸鎮之罪僕當首唱從化諸鎮有不從者請奉辭伐之如此則上不負天子下不負同列不過五旬河朔定矣使林還報抱真陰相約結

韋丹勸憲宗討劉闢

通鑑總類卷十九

藩鎮門三十三

永貞元年以給事中劉闢為西川節度副使知節度事憲宗以初嗣位力未能討故也右諫議大夫韋丹上疏以為今釋闢不誅則朝廷可以指臂而使者惟兩京耳北外誰不為叛憲宗善其言以丹為東川節度使

杜黃裳請以法度裁制藩鎮

元和元年劉闢既得旌節志益驕求兼領三川憲宗不許闢遂發兵圍東川節度使李康於梓州憲宗欲討闢而重於用兵公卿議者亦以為蜀險固難取杜黃裳獨曰闢狂戇書生取之如拾芥耳臣知神策軍使高崇文勇略可用願陛下專以軍事委之勿置監軍闢必可擒憲宗從之時宿將名位素著者甚眾皆自謂當征蜀之選及詔用崇文皆大驚憲宗笑

杜黃裳論及藩鎮黃裳曰德宗自經百變患務爲姑息不生除節帥有物故者先遣中使察軍情所與則授之中使或私受大將賂歸而譽之即降旄鉞未嘗有出朝廷之意者陛下必欲振舉綱紀宜稍以法度裁制藩鎮然後天下可得而理也憲宗深以爲然於是始用兵討蜀以至威行兩河皆黃裳啓之也

### 李絳請重賞魏博

七年李絳又言魏博五十餘年不霑皇化一旦舉六州之地來歸割河朔之腹心傾叛亂之巢穴不有重賞遇其所望則無以慰士卒之心使四鄰勸慕請發內庫錢百五十萬緡以賜之左右宦官以爲所與太多後有此比將何以給之憲宗

通鑑總類卷十九

蕃鎮門三十四

以語絳絳曰田興不貪重地之利不顧四鄰之患歸命聖朝陛下奈何愛小費而遺大計不以收一道人心錢用盡更來機事一失不可復追借使國家發十五萬兵以取六州期年而克之其費豈止百五十萬緡而已乎憲宗悅曰朕所以惡衣菲食者聚貨財正爲此乎定四方不然徒貯之府庫何爲遣知制誥裴度至魏博官慰以錢百五十萬緡賞軍士六州百姓給復一年軍士受賜歡聲如雷成德兗鄆使者數輩見之相顧失色歎曰倔强者果何益乎度爲興陳君臣上下之義興聽之終夕不倦待度禮極厚請度徧至所部州縣宣布朝命奏乞除節度副使以朝廷

田弘正子姪比仕諸朝

十四年以田弘正兼侍中魏博節度使弘正三表請留  
憲宗不許弘正常恐一旦物故魏人猶以故事繼襲故兄弟  
子姪皆仕諸朝憲宗皆擢居顯列朱紫盈庭時人榮之

### 穆宗赦朱克融討王庭湊

長慶元年自憲宗征伐四方國用已虛穆宗即位賞賜左右  
及宿衛諸軍無節及幽鎮用兵久無功府藏空竭勢不能支  
執政乃議王庭湊殺田弘正而朱克融全張弘靖罪有重輕  
請赦克融專討庭湊穆宗從之

### 李泳貪殘不灑以召亂

開成二年河陽軍亂節度使李泳奔懷州軍士焚府署殺泳  
二子大掠數日方止泳長安市人寓籍禁軍以賂得方鎮所  
至恃所交結貪殘不灑其下不堪命故作亂貶泳澧州長史  
以左金吾將軍李執方為河陽節度使

### 李德裕說武宗討澤路

會昌三年初昭義節度使劉從諫累表言仇士良罪惡士良  
亦言從諫窺伺朝廷及武宗即位從諫有馬高九尺獻之武  
宗不受從諫以為士良所為怒殺其馬由是與朝廷相猜恨  
遂招納亡命繕完兵械鄰境皆潛為之備從諫疾病乃與幕  
客張谷陳揚庭謀效河北諸鎮以弟從素之子稹為牙內都  
知兵馬使從諫尋薨稹秘不發喪逼監軍崔士康奏稱從諫  
疾病請命其子稹為留後武宗以澤潞事謀於宰相宰相多  
以為回鶻餘燼未滅邊鄙猶須警備後討澤潞國力不支請

以劉稹權知軍事諫官及群臣上言者亦然李德裕獨曰澤潞事體與河朔三鎮不同河朔習亂已久人心難化是故累朝以來置之度外澤潞近處腹心一軍素稱忠義頃時多用儒臣為帥如李抱真成立此軍德宗猶不許承襲使李絳護喪歸東都敬宗不恤國務宰相又無遠略劉悟之死因循以授從諫從諫跋扈難制累上表迫脅朝廷今垂死之際復以兵權擅付豎子朝廷若又因而授之則四方諸鎮誰不思效其所為天子威令不復行矣武宗曰卿以何術制之果可克否對曰稹所恃者河朔三鎮但得鎮魏不與之同則稹無能為也若遣重臣往諭王元逵何弘敬以河朔自艱難以來列聖許其傳襲已成故事與澤潞不同今朝廷將加兵澤潞不

欲更出禁軍至山東其山東三州隸昭義者委兩鎮攻之兼令徧諭將士以賊平之日厚加官賞苟兩鎮聽命不從旁沮撓官軍則稹必成擒矣武宗喜曰吾與德裕同之保無後悔遂決意討稹群臣言者不復入矣

### 李德裕面諭三鎮使者

四年自用兵以來河北三鎮每遣使者至京師李德裕常面諭之曰河朔兵力雖彊不能自立須藉朝廷官爵威命以安軍情歸語汝使與其使大將邀宣慰敕使以求官爵何如自奮忠義立功立事結知明主使恩出朝廷不亦榮乎且以耳目所及者言之李戡義在幽州為國家盡忠平滄景及為軍中所逐不失作節度使後鎮太原位至宰相揚志誠遣大將

遮敕使馬求官及爲軍中所逐朝廷竟不赦其罪此二人禍福足以觀矣德裕復以其言白武宗武宗曰要當如此明告之由是三鎮不敢有異志

### 李克用請發兵討朱全忠

中和四年李克用至晉陽大治甲兵遣榆次鎮將鴈門李承嗣奉表詣行在自陳有破黃巢大功爲朱全忠所圖僅能自免將佐已下從行者三百餘人并牌印皆沒不返全忠仍榜東都陝孟云臣已死行營兵潰令所在邀遮屠翦勿令漏失將士皆號泣冤訴請復仇讎臣以朝廷至公當俟詔命拊循抑止復歸本道乞遣使按問發兵誅討臣遣弟克勤將高騎在河中俟命時朝廷以大寇初平方務姑息得克用表大恐

但遣中使賜優詔和解之克用前後凡八表稱全忠如功疾能陰狡禍賊異日必爲國患惟乞下詔削其官爵臣自帥本道兵討之不用度支糧餉僖宗累遣楊復恭等諭拍稱吾深知卿冤方事之殷姑存大體克用終鬱鬱不平時藩鎮相攻者朝廷不復爲之辨曲直由是互相吞噬惟力是視皆無所稟畏矣

### 常濬諫僖宗姑息藩鎮

光啓元年前補關常濬上疏以爲陛下姑息藩鎮太甚是非功過駢首並足致天下紛紛若此猶未之寤豈可不念駱谷之艱危復懷西顧之計乎宜稍振典刑以威四方田令改之黨言於僖宗曰此疏傳於藩鎮豈不致其猜忿於是

州司戶尋賜死

張濬請討李克用

大順元年赫連鐸李匡威請討李克用朱全忠亦上言克用終為國患今因其敗臣請帥汴滑孟三軍與河北三鎮共除之乞朝廷命大臣為統帥初克用之討黃巢屯河中張濬為都統判官克用薄其為人聞其作相私謂詔使曰張公好虛談而無實用傾覆之士也王上采其名而用之它日交亂天下必是人也濬聞而銜之昭宗從容與濬論古今治亂濬曰陛下英睿如此而中外制於彊臣此臣日夜所痛心疾首也昭宗問以當今所急對曰莫若彊兵以服天下昭宗於是廣募兵於京師至十萬人及全忠等請討克用昭宗命三省

御史臺四品以上議之以為不可者付六七濬曰先帝再幸山南沙陀所為也臣常慮其與河朔相表裏致朝廷不能制合兩河藩鎮共請討之此千載一時但乞陛下什臣兵旬月可平失今不取後悔無及昭宗曰克用有興復大功今乘其危而攻之天下其謂我何孔緯曰陛下所言一時之體也張濬所言萬世之利也昨計用兵饋運犒賞之費一二年間未至匱乏在陛下斷志行之耳昭宗以二相言叶僂從之曰茲事今付卿二人無貽朕羞

張濬為李克用所敗

官軍出陰地關遊兵至子汾州李克用遣薛志勤李承嗣將騎三千營于洪洞李存孝將兵五千營于趙城鎮國節度使



韓建以壯士三百夜襲存孝營存孝知之設伏以待之建兵不利靜難鳳翔之兵不戰而走禁軍自潰河東兵勝逐北抵晉州西門張濬出戰又敗官軍死者近三千人靜難鳳翔保大定難之軍先度河西歸濬獨有禁軍及宣武軍合萬人與韓建閉城拒守自是不敢復出存孝引兵攻絳州刺史張行恭弃城走存孝進攻晉州濬建自含口遁去存孝取晉絳二州大掠慈隰之境先是克用遣韓歸範歸朝附表訟冤言臣父子三代受恩四朝破龐勛翦黃巢黜襄王存易定致陛下今日冠通天之冠佩白玉之璽未必非臣之力也若以攻雲州爲臣罪則拓跋思恭之取鄜延朱全忠之侵徐鄆何獨不討賞彼誅此臣豈無辭且朝廷當阽危之時則譽臣爲韓彭伊呂及旣安之後則罵臣爲戎羯胡夷今天下握兵立功之臣獨不懼陛下它日之罵乎況臣果有大罪六師征之自有典刑何必幸臣之弱而後取之邪今張濬旣出師則固難束手已集蕃漢兵五十萬欲直抵蒲潼與濬格鬪若其不勝甘從削奪不然方且輕騎叫闔頓首丹陛訴姦回於陛下之宸座納制敕於先帝之廟庭然後自拘司敗恭俟鈇質表至濬已敗朝廷震恐濬與韓建至河陽撤民屋爲柵以濟河師徒失亡殆盡是役也朝廷倚朱全忠及河朔三鎮及濬至晉州全忠方連兵徐鄆雖遣將攻澤州而身不至行營乃求兵糧於鎮魏鎮魏倚河東爲扞蔽皆不出兵惟華邠鳳翔鄜夏之兵會之兵未交而孫揆被擒幽柔俱敗揚復恭復從中沮之故

濬軍墜風自潰

昭宗詔復李克用官爵

二年以孔緯為荆南節度使張濬為鄂岳觀察使李克用復遣使上表曰張濬以陛下萬代之業邀自己一時之功知臣與朱溫深仇私相連結臣今身無官爵名是罪人不敢歸陛下藩方且欲於河中寄寓進退行止伏俟指麾詔再貶孔緯均州刺史張濬連州刺史賜克用詔悉復其官爵使歸晉陽

昭宗決討李茂貞

景福二年李茂貞恃功驕橫上表及遺杜讓能書辭語不遜昭宗怒欲討之茂貞又上表略曰陛下貴為萬乘不能庇元舅之一身尊極九州不能戮復恭之一豎又曰約衰殘而行

通鑑總類卷十九

蕃鎮門甲

戶

法隨盛壯以加恩體物錙銖看人衡纒又曰軍情易變戎馬難羈唯慮旬服生靈因茲受禍未審乘輿播越自此何之昭宗益怒決討茂貞命杜讓能專掌其事讓能諫曰陛下初臨大寶國步未夷茂貞近在國門臣愚以為未宜與之構怨萬一不克悔之無及昭宗曰王室日卑號令不出國門此乃志士憤痛之秋藥弗暝眩厥疾弗瘳朕不能甘心為孱懦之主惜惜度日坐視陵夷卿但為朕調兵食朕自委諸王用兵成敗不以責卿讓能曰陛下必欲行之則中外大臣共宜協力以成聖志不當獨以任臣昭宗曰卿位居元輔與朕同休戚無宜避事讓能泣曰臣豈敢避事況陛下所欲行者憲宗之志也顧時有所未可勢有所不能耳但恐它日臣徒受鼎鑊之

終不能弭七國之禍也敢不奉詔以死繼之昭宗乃命讓能  
中書計畫調度月餘不歸李茂貞使其黨糾合市人數百  
千人擁觀軍容使西門君遂馬訴曰岐帥無罪不宜致討使  
百姓塗炭君遂曰此宰相事非吾所及市人又邀崔昭緯鄭  
延昌肩輿訴之二相曰茲事主上專委杜太尉吾曹不預知  
市人因亂投瓦石二相下輿走匿民家僅自免喪堂印及朝  
服昭宗命捕其唱帥者誅之用兵之意益堅京師民或亡匿  
山谷嚴刑所不能禁

李茂貞請誅杜讓能

覃王嗣周帥禁軍三萬送鳳翔節度使徐彥若赴鎮軍于興  
平李茂貞王行瑜合兵近六萬軍于盤屋以拒之禁軍皆新

又六九

通鑑初類卷二十九

蕃鎮門四十一

五

募市并少年茂貞行瑜所將皆邊兵百戰之餘茂貞等進逼  
興平禁軍皆望風逃潰茂貞等乘勝進攻三橋京師大震士  
民奔散市人復守關請誅首議用兵者崔昭緯心害杜讓能  
密遺茂貞書曰用兵非主上意皆出於杜太尉耳茂貞陳於  
臨臯驛表讓能罪請誅之讓能言於昭宗曰臣固先言之矣  
請以臣為解昭宗涕下不自禁曰與卿訣矣是日與讓能悟  
州刺史制辭略曰棄卿士之臧謀構藩垣之深釁咨詢之際  
證執彌堅李茂貞勒兵不解請誅杜讓能然後還鎮崔昭緯  
從從而擠之賜讓能自盡復下詔布告中外稱讓能舉枉錯  
直愛憎繫於一時鬻獄賣官聚斂踰於巨萬自是朝廷動息  
皆稟於邠岐南北司往往依附二鎮以邀恩澤有崔延之

者爲二鎮判官凡天子有所可否其不逞者輒訴於鋌超二人則教茂貞行瑜上章論之朝廷小有依違其辭語已不遜制復以茂貞爲鳳翔節度使兼山南西道節度使守中書令於是茂貞盡有鳳翔興元洋隴秦等十五州之地

### 王行瑜表罷李谿等入相

乾寧二年崔昭緯與李茂貞王行瑜深相結得天子過失朝廷機事悉以告之邠寧節度副使崔鋌昭緯之族也李谿再入相昭緯使鋌告行瑜曰鄉者尚書令之命已行矣而韋昭度沮之今又引李谿爲同列相與熒惑聖聽恐復有杜太尉之事行瑜乃與茂貞表稱谿姦邪昭度無相業宜罷居散秩昭宗報曰軍旅之事朕則與藩鎮圖之至於命相當出朕懷

七八十

通鑑總類卷一九

著鎮用四二

行瑜等論列不已谿復罷爲太子少師

### 王行瑜等各擁兵入朝

初王行瑜求尚書令不獲由是怨朝廷畿內有八鎮兵隸左右軍邠陽鎮近華州韓建求之良原鎮近邠州王行瑜求之宦官曰此天子禁軍何可得也行瑜乃與李茂貞建各將精兵數千入朝至京師坊市民皆竄匿昭宗御安福門以待之三帥盛陳甲兵拜伏舞蹈於門下昭宗臨軒親詰之曰卿輩不奏請俟報輒稱兵入京城其志欲何爲乎若不能事朕今日請避賢路行瑜茂貞流汗不能言獨韓建相述入朝之由昭宗與三帥宴三帥奏稱南北司互有朋黨竊索朝政韋昭度討西川失策李谿作相不合衆心請誅之昭宗未之許是

日行瑜等殺昭度谿於都亭驛又殺樞密使康尚弼及宦官數人始三帥謀廢昭宗立吉王保至是聞李克用已起兵於河東行瑜茂貞各留兵二千人宿衛京師與建皆辭還鎮

### 李克用受詔討三賊臣

李克用引兵逼邠州王行瑜登城號哭謂克用曰行瑜無罪迫脅棄輿皆李茂貞及李繼鵬所為請移兵問鳳翔行瑜願束身歸朝克用曰僕受詔討三賊臣公預其一束身歸朝非僕所得專也行瑜挈族弃城走克用入邠州封府庫撫居人命指揮使高爽權巡撫軍城奏趣蘇文建赴鎮行瑜走至慶州境部下斬行瑜傳首

### 李克用不欲張濬復為相

三年朱全忠薦兵部尚書張濬昭宗欲復相之李克用表請發兵擊全忠且言濬朝為相臣則夕至闕廷京師震懼昭宗下詔和解之

### 後梁均王分魏博軍乃召亂

貞明元年天雄節度使楊師厚卒師厚晚年矜功恃衆擅割財賦選軍中驍勇置銀捨効節都數千人給賜優厚欲以復故時牙兵之盛均王雖外加尊禮內實忌之及卒私於宮中受賀租庸使趙巖判官邵贇言於均王曰魏博為唐腹心之蠹二百餘年不能除去者以其地廣兵強之故也羅紹威楊師厚據之朝廷皆不能制陛下不乘此時為之計所謂彈疽不嚴必將復聚安知來者不為師厚平宜分六州為兩鎮以

惟均王以爲然以平盧節度使賀德倫爲天雄節度使  
德軍於相州割澶衛二州隸焉以宣徽使張筠爲昭德  
節度使仍分魏州將士府庫之半於相州二人旣赴鎮朝廷  
恐魏人不服遣開封尹劉鄩將兵六萬自白馬濟河以討鎮  
定爲名實張形勢以脅之魏兵皆父子相承數百年族姻磐  
結不願分徙德倫屢趣之應行者皆嗟怨連營聚哭劉鄩屯  
南樂先遣澶州刺史王彥章將龍驤五百騎入魏州屯金波  
亭魏兵相與謀曰吾六州歷代藩鎮兵未嘗遠出河門一旦  
骨肉流離往不如死是夕軍亂縱火大掠圍金波亭王彥章  
斬關而走詰旦亂兵入牙城劫德倫置樓上軍校張立謂德  
倫曰天子愚暗聽人穿鼻令我兵甲雖彊苟無外援不能獨  
立宜投款於晉遂逼德倫以書求援於晉

九十九

通鑑總類卷一九

蕃鎮門四

元

### 後唐明宗征夏州無功

長興四年先是河西諸鎮皆言李仁福潛通契丹朝廷恐其  
與契丹連兵併吞河右南侵關中會仁福卒以其子彝超爲  
彰武留後徙彰武節度使安從進爲定難留後安從進攻夏  
州州城赫連勃勃所築堅如鐵石斷鑿不能入又党項萬餘  
騎徜徉四野抄掠糧餉官軍無所芻牧山路險狹關中民輸  
斗粟束藁費錢數緡民間困竭不能供李彝超兄弟登城謂  
從進曰夏州貧瘠非有珍寶蓄積可以充朝廷貢賦也但以  
祖父世守此土不欲失之畏爾孤城勝之不武何足煩國家  
如此幸爲表聞若許其自新或使之征伐願爲衆先明

宗聞之命從進引兵還其後有知李仁福陰事者云仁福畏朝廷除移揚言結契丹爲援契丹實不與之通也致朝廷誤興是役無功而還

### 契丹主以詔書賜藩鎮

後漢天福十二年契丹主分遣使者以詔書賜晉之藩鎮晉之藩鎮爭上表稱臣被召者無不奔馳而至惟彰義節度使史匡威據涇州不受命雄武節度使何重建斬契丹使者以秦成階三州降蜀

### 後周安審琦入朝

顯德三年山南東道節度使安審琦鎮襄州十餘年至是入朝除守太師遣還鎮旣行世宗問宰相卿曹送之乎對曰送

三十五

通鑑卷之六十一

著集門四十五

廿

至城南審琦深感聖恩世宗曰近朝多不以誠信待諸侯而卿雖有欲効忠節者其道無由王者但能毋失其信何患諸侯不歸心哉





